



Laura Tàunâjik,
Inatsisartunut ilaasortaq
Siumut

§ 37 naapertorlugu apeqqutinut akissutit – Najugaq qimannagu ilinniartissatut periarfissanut tunngasoq

03-08-2018
Suliap normua 2018 - 15645
Allakkat nr. 8379695

Asasara Laura Tàunâjik,

Postboks 1029
3900 Nuuk
Oqarasuaat: +299 34 50 00
Email: ikiin@nаноq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinguuttuni akissuteqarfigissavakka.

Apeqqut 1: Najugarisaq qimannagu ilinniartitaaneq amerlaninngorlugit suli siammarnerrullugit pilersinneqassappata, Naalakkersuisut tamanna qanoq isummersorfigisinnaavaat soorlu pitsaaqutit akornutillu eqqarsaatigalugit, taamalilluni ilinniartitaaneq annerusumik ingerlanneqarsinnaanngortillugu naak ilinniartup ilinniartissatut illoqarfigimmi allamiittoq najugaqarfiginngikkaa?

Akissut: Naalakkersuisut isumaqarput najugaq qimannagu ilinniagaqarsinnaanermut neqerooruteqartarneq iluaqutissarpassuaqartoq.

Najugaq qimannagu ilinniartitsisarnikkut meeqqat, inuusuttut inersimasullu imminnut naleqquttumik ilinniagaqarsinnaalissapput. Taamaalluni amerlanerit ilinniagaqarsinnaalissapput aamma taakku inuiaqatigiillu siunissaat isumannaarneqassaaq. Meeqqat sivilisinerusumik angerlarsimaffimminniilersinnaassapput, inuusuttut ilinniagassanik amerlanerit najukkaminni toqqagassaqalissapput aamma inersimasut arlaatigut pissuteqartumik pitsorippallaanngitsut piginnaanngorsarsinnaanngussapput. Ilinniagaqassuttip qaffanneqarneratigut inuiaqatigiit suliatigut paasisimasaqarluarnerulneq iluaqutigillualersinnaavaat.

Najugaq qimannagu ilinniartitsinerup ajoqutigisinnaavaa ilinniagassatut neqeroorutit ataasiakkaat pitsaassusaasa ajornerulernerat, tassa assersuutigalugu ilinniagassamik ilisimasaqarluarnerissaq pilersinneqarsinnaanngippat, ilinniarnermi pitsaasumik atugassaqartitsinissamat ilinniartitsisussat imaluunniit atuartussat/ilinniartussat piukkunnaatillit naammattut pissarsiarineqarsinnaanngippata. Ilinniagaqarnissamat neqeroorut illersorneqarsinnaasumik najugaq qimannagu ingerlanneqassappat qulakkeerneqartariaqarpoq ingerlanneqarnissaata, tunngavissaata imassaatalu qitiusumit ilinniartitsinertulli pitsaassuseqarnissaa. Taamaammat ilinniartitsinerit pikkorissaanerilluunniit najugaq qimannagu ingerlanneqartarnissaannik kissaatigineqartut suulluunniit najugaq qimannagu ilinniartitsisalerneq pitsaassusaasa qanoq qulakkeerneqarsinnaanerat misissoqqissaarneqartariaqarpoq, tamatuma saniatigut soorunami aamma aningaasaqarneq misissoqqissaarneqartassaaq.

Apequt 2: Ilinniartitaanerup iluani aaqqissuusseqqinnermut tunngatillugu: Naalackersuit Najugarisat qimangikkaluarlugu ilinniarsinnaaneq siunissami ilinniartitaanerup aaqqissuussaanerannut naliginnaanerusumik ilaatikkusuppaat?

Akissut: Ilinniartitaanermik aaqqissuusseqqilluni suliaqarnek najugaq qimannagu ilinniagaqarsinnaanermi periarfissanut arlalitsigut ilaatinneqarpoq. Aaqqissuusseqqilluni suliaqarnermi suleqatigiissitat assigiinngitsut arlallit susassaqaarfinnik assigiinngitsunik suliaqarlutik ukkataqarput susassaqaarfiullu ineriartorteqqinneqarnissaanut inassuteqaasiortarlutik. Suleqatigiissitat ilaasa ilaatigut misissorpaat inuusuttut ilinniartitaanerat qanoq 9.-10. klassinut ataqatigiissinneqarsinnaanersoq, tassa meeqqat atuarianni sumiluunniit atuaraluaanni. Imatut paasillugu, inuusuttut ilinniartitaaneranni immikkuualuttut 9.-10. klassini qanoq atorneqarsinnaanerat akerlianillu klassini taakkunani immikkuualuttut inuusuttut ilinniarfiini qanoq atorneqarsinnaanerat misissorneqarpoq. Inuusuttunik ilinniarfisinermi periusaasinnaasut allat pilersinneqarsinnaanerat misissorneqarpoq, tassa inassuteqaatit pitsaasorpasuit suliarineqarneranni ilinniarfisinermi sammisassat amerlanerpaanit qanoq ilinniarneqalersinnaanersut pillugit eqqarsaatit aamma ilanngunneqarsinnaapput. Tamatuma saniatigut assersuutigalugu illoqarfiit campuseqarfiusut tallimat pilersinneqarsinnaanerat misissorneqarpoq, tassa ilinniarfissat amerlanerit aamma Ilulissani, Sisimiuni, Aasianni, Nuummi Qaqortumilu meeqqat atuariannit ingerlaqqiffiusumik ilinniarfinnut ikaarsaarluni ilinniarfiusinnaasut periarfissanngortinniarlugit.

Internetsikkut ilinniarfisinarneq tassunga atatillugu qitiulluinnarpoq, tassa Naalackersuisut ilinniartitaanermik aaqqissuusseqqinneranni tamanna qitiutinneqartut ilagimassuk. Suleqatigiissitat ataatsit qanoq iliorluni internetsikkut ilinniarfisinernut sutigut ineriartorfiusinnaaneranik aamma 1. klassimiit 12. klassimut ataatsimut ilanngunneqarsinnaaneranik suliaqarput.

Suleqatigiissitat 2018-ip naajartornerani internetsikkut ilinniarnerup ineriartortinnissaanut inassutigisatik tunniukkumaaraat neriuutigineqarpoq. Inassutigineqartut internetsikkut ilinniarnerup ineriartortinnissaanut tunngaviliissapput. Taamaaliortoqarnissaa neriuarpoq, pingaartumik meerartavut inuusuttortavullu amerlanernik periarfissaqaqqullugit aammali taamatut ilinniarfisineq aqutugalugu atuartut ilinniarullu tamarmik ilisimasaqalerlutillu piginnaasaqalernissaat anguniarlugu. Taamaaliornikkut siunissami kikkut tamarmik peqataanissaminnut periarfissaqarluarnissaat, najugarlu qimannagu ilinniarnermik naammassinninnissaat anguniarneqarpoq.

Ilinniartitaanerup aaqqissuuteqqinnera 2018-imut Ilinniartitaanerup Pilersaarummi paasisaqarneruffigisinnaavat, taannalu link una atorlugu atuarsinnaavat:

<http://naalackersuisut.gl/~media/Nanoq/Files/Publications/Uddannelse/Uddannelsesstra-tegi%202018.pdf>.

Apequt 3: Taamaassimappat taava: Ilinniartitaanerup iluani sammiviit sorliit aammalu qanoq ilusilerlugit Naalackersuisut suliniuteqarpat, s.a. najugarisat qimangikkaluarlugu ilinniarsinnaatitaaneq eqqarsaatigalugu.


Akissut: Ilinniartitaanermik aqqissuusseqqilluni suliarineqartut siuliini taaneqartut aamma assersuutigalugu isumaginninnerup iluani, ilinniartitsisunngorniarnep aamma inunnik isumaginnittunngorniarnep iluini najugaq qimannagu ilinniarnissamut periarfissat pioreersut saniatigut Sisimiuni eGUX-imi misiligutitut ilinniarnermik aallartitsisoqarsimavoq. Taamatut misiliinermi Sisimiuni ilinniarnertuunngorniarnep 2018-imi septembarimi aallarereersumik ilinniarnertuunngorniarnep ilaasumik internetsikkut ilinniarnertut ittut ilassutitut ilinniarnep aamma ilinniarnep ataasiakkaat arlallit neqeroorutiginiarpai. Atuarfiup ukiup atuarfiusup 2019/2020-p aallartinnerani ilinniartunut nutaanut neqeroorsinnaalernissaa neriuutaavoq, matumanilu atuartut ilinniarnertuunngorniarnissamut piareersarfiusumik ilinniarnep ukiunik marlunnik sivilissusilimmi aamma naliginnaasumik ilinniarnertuunngorniarnep ukiunik pingasunik sivilissusilimmi angerlarsimaffimmi aallartissinnaanissaat neriuutaalluni. Ilinniarnertuunngorniarnep internet-ikkut ingerlanneqartumik neqerooruteqarsinnaanep aamma assersuutigalugu ilinniartut immikkut pisariaqartitalit neqeroorfigineqarsinnaapput, tassami ilinniarnertuunngorniarnep ilinniarnep ilusilersorluakkamik ingerlanneqartarmat aamma ilinniarnep naliginnaasooq malinnagu najuunnissaq pisariaqartinneqanngimmat. eGUX taamaalilluni GUX-S-imi misiliinerup tapertaalerpoq, tassani ilinniartunut immikkut pisariaqartitalinnut ilinniarnertuunngorniarnep pilersitsinissaq sulissutigineqarluni. eGUX-imi misilittagaalersut, annerusumillu najugaq qimannagu ilinniarnep ineriartortitsiffiunissaat siunertaralugu ilinniartoqarfimmi allani atorineqarsinnaalissapput.

Tamatuma saniatigut ilaatigut immikkut perorsaanep susassaqaqfiup iluani najugaq qimannagu ilinniarnissamut neqeroorsinnaanep periarfissanik misissuilluni aallartitsisoqarsimavoq, isumaginninnerullu iluani piginnaanngorsaqqinnissamut tunngatillugu ataatsimut pisariaqartinneqartut periarfissallu pillugit Ilinniartitaanep, Kulturimut Ilageeqarnermullu Naalakkersuisoqarfip aamma Isumaginninnerup Inatsisinillu Atuutsitsinerup Naalakkersuisoqarfip akornanni misissuinerit ataqatigiissaarinerillu aallartinneqarsimallutik. Matumanilu pikkorissartitsinerup ilinniarnepullu atatillugu najugaq qimannagu ilinniarnissamut aqqiissutissanut periarfissat takunissaannut aamma kissaateqartoqarpoq, taamaattoq ilinniarnep pitsaassusaat tamatigut piginnartarlugu.

Aammattaaq taartaallutik ilinniartitsisut qaffassarnissaannut qanoq pisariaqartitsisoqartiginersoq misissorniarnelugu aallartitsisoqarsimavoq, tassani najugaq qimannagu ilinniarnissamut aqqiissutissat periarfissanut ilaatillugit. Sulinerup tassani Ilinniartitsinerup ilisimatusarfik aamma Ilinniartitaanep Aqutsisoqarfik ilaapput, taamaaliornermilu pikkorissartitsinissanut ilinniarnissamullu neqeroorutit isiginiarneqarput.

Tassa ineriartortitsilluni sulinerup siunissami periarfissanik amerlanerusunik tikkuussisussap aallartinneqarneranut peqatigitillugu najugaq qimannagu ilinniarnissatut periarfissat tigussaasut arlallit suliaralugit aallartinneqarsimapput.

Inussiarnersumik inuulluaqqusilluta



Vivian Motzfeldt

